





Edizione diplomatica

image not found https://letteraturaeuropea.let.uniroma1.it/?q=sites/default/files/styles/330px/public/CatturaP1.PNG&itok=10mf0OxD	?Raembautz daurenga. Pois tals sabers mi sortz emcreis. que trobar sai (et) ieu odic. Mal estara si nonpareis. que quand hom ditz ab la len ga. So que ben enpes non tenga. non pot auer sordeior dec. qan ditz so que nois couenga.
image not found https://letteraturaeuropea.let.uniroma1.it/?q=sites/default/files/styles/330px/public/CatturaP2.PNG&itok=4uT3oL-4	Er ai gaug qand sebram dels freis. E re manon sol li abric. Eli auzellet en lors leis. Chascus dechantar nosentric. que salegre ensalenga. Perl nouel te(m)ps qe il souenga. E dels albres qeron tuich sec. Lofuoills pelz branquills sarenga.
image not found https://letteraturaeuropea.let.uniroma1.it/?q=sites/default/files/styles/330px/public/CatturaP3.PNG&itok=-ZkfA2Pe	E qui anc torn damar si feis. Eras nois taing si desrazic. Mas p(er)logat temps q(ue) pareis. Deu qecs auer son cor plus ric. Equi non sap ab la lenga. Dir so qeis co uen aprenga. Caissi abnouel ioi sesplec. Cossi uol pretz qeis captenga.
image not found https://letteraturaeuropea.let.uniroma1.it/?q=sites/default/files/styles/330px/public/CatturaP4.PNG&itok=cf18L3fm	Estat ai fis amics abreis. duna gem en ganet ab tric. Ecar ac samors mi des treis. Totztemps naurai mon cor enic. p(er) qieu non uuoill ab la lenga. dir que samors mi destrenga. P(er) cus autres ab lieis sabrec. et eu catz so qez el prenga.

	Ablieis remaignal malueis. elegans (et) ab so amic. Q(ue) tals ma asos ops conq(ue)is. don ia non creirai fals prezic. Anz uuoill com mi taill la lenga. sieu ia delieis crei lausenga. Nidesamor mi dechasec. sien sabia p(er)dre aurenga.
	Bem taing qieu sia fis uasleis. Ca(n)c mais tant en outra non cric. Enostre seigner el mezeis. Apauc defar non i faillic. ca penas saup ab lalenga. Dire aitals cois couenga. Lagrans beutatz qen liei spa rec. Nois taing cautra si en prenga.
	Dompna nom cal far lonc plaideis. q(ue) de mi podetz far meridic. Oplus ric que anc nonforeis. deltot siu enuostre chastic. sol qem digatz ab la lenga. Cossi uoletz qem captenga. Quencor ai qenaissi mescec. Eq(ue) ia dautra nom fenga.
	Dompna nous qier ab la lenga. Mas qen baissan uos estrenga. Ental luoc on ab uos mazec. Eq(ue) dinz mos bratz uos senga.

- letto 252 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2968>